

四庫全書

集部

欽定四庫全書

全蜀藝文志卷二十

明 周復俊 編

詩

贈送上

別袁昌州

陳江總

河梁望隴頭分手路悠悠徂年驚若電別日欲成秋黃
鵠飛飛遠青山去去愁不言雲雨散更似東西流

贈薛播州十四首

隋楊素

在昔天地閉品物屬屯蒙和平替王道哀怨結人風麟
傷世已季龍戰道將窮亂海飛羣水貫日引長虹干戈
異革命揖讓非至公

兩河定寶鼎八水域神州函關絕無路京洛化為丘漳
滏爾連沼涇渭余別流生郊滿戎馬涉路起風牛班荆
疑莫遇贈緇竟無由

五緯連珠聚千載濁河清金亡潜虎質閨盡自蛙聲聖
期伊旦暮天祿啟炎精霧生三日重星飛五老輕裡宗

答上帝造物創羣生

道昏雖已朗政故猶未新
刻舟涸水濟結網大川濱
出遊迎釣叟入夢訪幽人
植林雖各樹開榮豈異春
相逢一時泰共幸百年身

有帛賁丘園生芻自幽谷
塵芳金馬路瀾清鳳池澳
零露既垂光清風復流穆
傾蓋如舊知彈冠豈新沐
利心金各斷芬言蘭共馥

自余歷端揆緝熙惡時彥
及爾陪帷幄出納先天睠
高

調發清音縹緲流餘絢或如彼金玉歲暮無凋變余松
待爾心爾筠留我箭

荏苒積歲時契濶同遊處閭闔既趨朝承明還宴語上
林陪羽獵甘泉侍清曙迎風含暑氣飛雨淒寒序相顧
惜光陰留情共延佇

滔滔彼江漢實為南國紀作牧求明德若人應斯美高
臥未褰帷飛聲已千里還望白雲天日暮秋風起峴山
君儻遊淚落應無已

漢陰政已成嶺表人猶蠹借寇比方新還珠總如故楚
人結去思越俗歌來暮陽鳥上歸飛別鶴還迴顧君見
南枝巢應思北風路

北風吹故林秋聲不可聽鴈飛窮海寒鶴唳霜臯淨含
毫心未傳聞音路猶夏唯有孤城月徘徊獨臨映弔影
余自憐安知我疲病

養病願歸閒居榮在知足栖遲茂陵下優游滄海曲古
人情可見今人遵路躅荒居接野窮心物俱非俗桂樹

方叢生山幽竟何欲

所欲棲一枝稟分豐諸已園樹避鳴蟬山梁遇時雉野
陰冒叢灌幽氣含蘭芷悲哉暮秋別春草復萋矣鳴琴
久不聞屬聽空流水

秋水魚游日春樹鳥鳴時濠梁莫共往幽谷有相思千
里悲無駕一見杳難期山河散瓊蘂庭樹下丹枝物華
不相待遲暮有餘悲

銜悲向南浦寒色黯沉沉風起洞庭險煙生雲夢深獨

飛時慕侶寡和乍孤音木落悲時暮時暮感離心離心
多苦調詎假雍門琴

送朱休遠之蜀

唐張說

求友殊損益行道異窮中綴我平生氣吐贈薄遊人結
恩事明主忍愛遠辭親色麗成都俗膏腴蜀水濱如何
從宦子堅白共緇磷日月千齡旦山河萬族春懷鉛書
瑞府橫草事邊塵不及安人吏能令王化淳

杜少府之任蜀州

王勃

城闕輔三秦風煙望五津與君離別意同是宦遊人海
內存知已天涯若比鄰無為在岐路兒女共霑巾

重別薛

前人

明月沉珠浦秋風濯錦川樓臺臨絕岸洲渚更長天旅
泊幾千里棲皇共百年窮途唯有淚還望獨潛然

艷情代郭氏答盧照隣

駱賓王

迢迢芊路望芝田眇眇函關限蜀川歸雲已落涪江外
還鴈應過洛水瀼洛水傍連帝城側帝宅層甍垂鳳翼

銅駝路上柳千條金谷園中花幾色柳葉園林處處新
洛陽桃李應芳春妾向雙流窺石鏡君住三川守玉人此
時離別那堪道此日空林對芳沼芳沼徒遊比目魚幽徑
還生拔心草流風迴雪儻使娟驥子魚文實可憐擲果
河陽君有分貨酒成都妾亦然莫言貧賤無人重莫言
富貴應須種綠珠猶得石崇憐飛鷺曾經漢皇寵良人
何處醉縱橫真如循默守空名倒提新縑成慊慊翻將
故劍作平平離前吉夢成蘭兆別後啼痕竹上生別日

分明相約束已坐宜家成誠最當時疑弄掌中珠豈謂
先摧庭際玉悲鳴五里無人問腸斷三聲誰為續思君
欲上望夫臺端居懶聽將雜曲沉沉落葉向山低簷前
歸鷺並頭栖抱膝當窻看夕兔側耳空房聽曉鷄舞蝶
臨堦祇自舞啼鳥逢人亦助啼獨坐傷孤枕春來悲更
甚我眉山上月如眉濯錦江中霞似錦錦字迴文欲贈
君劒壁層峰自糾紛平江渺渺分青浦長路悠悠問白
雲也知京洛多佳麗也知山岫遙虧蔽無那短封即疎

索不在長門守期契傳聞織女對牽牛相望重河隔淺
流誰分迢迢經兩歲誰能脉脉待三秋情知唾井終無
理情知覆水也難收不復下山能借問更向盧家字莫
愁

送殷大夫

陳子昂

禺山金碧路此地饒英靈送君一為別悵斷故鄉情夏
雲生極浦斜日隱離亭坐看征騎沒唯見遠山青

送金敬陵入蜀

崔信明

金門去蜀道玉壘望長安豈言千里足方尋九折難西
上君飛蓋東歸我挂冠猿聲山破斷月影落江寒從今
與君別花月幾新殘

淮南卧病書懷寄蜀中趙徵君蕤

李白

吳會一浮雲飄如遠行客功業莫從就歲光屢奔迫良
圖俄棄捐衰疾乃綿劇古琴藏虛匣長劒挂空壁楚冠
懷鍾儀越吟比莊舄國門遙天外鄉路遠山隔朝憶相

如臺夜夢子雲宅旅情初結緝秋氣方寂歷風入松下
清露出草間白故人不在此而我誰與適寄書西飛鴻
贈爾慰離析

江上寄巴東故人

前人

漢水波浪遠巫山雲雨飛東風吹客夢西落此中時覺
後思白帝佳人與我違瞿塘旣賈客音信莫令稀

送友人入蜀

前人

見說蠶叢路崎嶇不易行山從人面起雲傍馬頭生芳

樹籠秦棧春流逸蜀城升沉應已定不必訪君平

送友人內江范崇凱

前人

青山橫北郭白水遶東城此地一為別孤蓬萬里征浮雲遊子意落日故人情揮手自茲去蕭蕭班馬鳴

贈兄崇凱

范元凱

洛陽紙價因兄貴蜀地紅箋為弟貧南北東西九千里

除兄與弟更無人

范崇凱內江人奏花萼樓賦為弟一其弟元凱亦自負其才贈兄詩云

寄柏學士林居

杜甫

自胡之反持干戈天下學士亦奔波歎彼幽栖載典籍
蕭然暴露依山阿青山萬里靜散地白雲一洗空垂蘿
亂代飄零子到此古人成敗子如何荆揚春冬異風土
巫峽日夜多雲雨赤葉楓林百舌鳴黃泥野岸天鷄舞
盜賊縱橫甚密迥形神寂寞甘辛苦幾時高議排金門
各使蒼生有環堵

寄常徵君

前人

白水青山空復春徵君晚節傍風塵楚妃堂上色殊衆

海鶴階前鳴向人萬事糾紛猶絕粒一官羈絆實藏身
開州入夏知涼冷不似雲安毒熱新

贈花卿

前人

錦城絲管日紛紛半入江風半入雲此曲祇應天上有
人間能得幾回聞

人日寄杜二拾遺

高適

人日題詩寄草堂遙憐故人思故鄉柳條弄色不忍見
梅花滿枝空斷腸身在南蕃無所預心懷百憂復千慮

今年人日空相憶
明年人日知何處
一臥東山三十春
豈知書劍老風塵
龍鍾還忝二千石
愧爾東西南北人

送梓州李使君

王維

萬壑樹參天
千山響杜鵑
山中一夜雨
樹杪百重泉
漢女輸寶布
巴人訟芋田
文翁翻教授
不敢倚先賢

送嚴秀才還蜀

前人

寧親真令子
似舅即賢甥
別路經花縣
還鄉入錦城
山臨清塞斷
江向白雲平
獻賦何時至
明君憶長卿

送大理正攝御史判涼州別駕

苑咸

天子念西疆
咨君去不遑
垂銀棘庭印
持斧柏臺綱
雲下天山白
泉枯塞草黃
佇聞河隴外
還繼海沂康

送姚評事入蜀各賦一物得卜肆

張九齡

蜀嚴化已久
湛溟空所思
常聞賣卜處
猶憶下簾時
驅傳應經此
懷賢儻問之
歸來說往事
歷歷偶心期

賦得青城山歌送楊杜二郎中赴蜀軍

錢起

蜀山西南千萬重，仙經最說青城峰。
青城嶽峯倚空碧，遠壓峨眉吞劔壁。
錦屏雲起易成霞，玉洞花明不知夕。
星臺二妙逐王師，阮瑤軍書王粲詩。
日落猿聲連玉笛，晴來山翠傍旌旗。
絲蘿春月營門近，知君對酒遙相思。

送裴頔侍御使蜀

前人

柱史纔年四十強，鬢髯玄髮美清揚。
朝天繡服乘恩賞，出使星軺滿路光。
錦水繁花添麗藻，峨眉明月引飛觴。

多才自有雲霄望計日應追鷓鴣行

送友人入蜀

前人

遠路接天未憐君與我違客程千嶂裏鳥道片雲飛樹
色連青漢泉聲出翠微錦城花月下才子定忘歸

送張郎中還蜀歌

盧綸

秦家御史漢家郎親專兩印征殊方功成走馬朝天子
伏檻論兵若流水曉離仙署趨紫微夜接高儒讀青史
瀘南五將望君還願以天書示百蠻曲棧重江初過雨

前旌後騎不同山
迎車拜舞多耆老
舊卒新營徧青草
塞口雲生火候遲
烟中鶴唳軍行早
黃華川下水交橫
遠映孤霞蜀國晴
筇竹筍長椒瘴起
荔枝花發杜鵑鳴
回首岷峩半天黑
傳觴接膝何由得
空令豪士仰威名
無復貧交恃顏色
垂楊不動雨紛紛
錦帳胡瓶爭送君
須臾醉起簫笳發
空見雙旌入塞雲

送密秀才吏部駁放後歸蜀
權德輿

蜀國本多士
雄文似相如
之子西南秀
名在賢能書
薄

白下
卷二十
祿且未及故山念歸與迢迢三千里返駕一羸車玉壘
長路盡錦江春物餘此行無愠色知爾戀休廬

成都送嚴十五之江東

前人

江都萬里外別後幾悽悽峽路花應發津亭柳正齊酒
傾遲日暮川濶遠天低心繫征帆上隨君到剡溪

送人赴黔中

前人

一尊歲酒且留歡三峽黔江去路難志士感恩無遠近
異時應戴惠文冠

送柳侍御裴起居

武元衡

沱江水淥波喧鳥去喬柯南浦別離處東風蘭麝多長
亭春婉婉層漢路蹉跎會有歸朝日班超奈老何

送李正字歸蜀

前人

已獻甘泉賦仍登片玉科漢官新組紱蜀國舊煙蘿劍
壁秋雲斷巴江夜月多無窮別離思遙寄竹枝歌

送溫况游蜀

前人

遊人西去客三巴身逐孤蓬不定家山近峨眉飛暮雨

江連濯錦映朝霞雲深九折刀州遠路統千巖劔閣斜
因到莊君開卦處將余一為問生涯

送柳震歸蜀

司空曙

白日雙流靜西看蜀國春桐花能乳烏竹節競祠神蹇
步徒相望先鞭不可親知從江僕射登榻更何人

送夔州班使君

前人

魚國巴庸路麾幢漢守過曉檣爭市隘夜鼓祭神多雲
白當山雨風清滿峽波夷陵舊人吏猶誦兩岐歌

送崔校書赴梓幕

前人

碧峯天柱下
鼓角鎮南軍
管記催飛檄
蓬萊輟校文
棧烟朝似雪
江霧晚成雲
想出褒中望
巴庸方路分

送龍州樊使君

許崇

曾見邛人說
龍州地未深
碧溪飛白鳥
紅旆映青林
土產惟宜藥
王租只貢金
政成開宴日
誰伴使君吟

送友人尉蜀中

前人

故友漢中尉
請為西蜀吟
人家多種橘
風土愛彈琴
水

向昆明潤山通大夏深理閒無別事時寄一登臨

蜀中將回留辭韋相公

歐陽詹

寧體則雲構方前恒玉食貧居豈及此要自懷歸憶在
夢關山遠如流歲華逼明晨首鄉路迢遞孤飛翼

奉和淮南李相公早秋即事寄成都武相公

劉禹錫

八柱共承天東西別隱然遠夷爭慕化真相故臨邊並
進夔龍位乃齊龜鶴年

相公詩有齊年並進之句也

同心舟已濟造

滕壁常聯對領專征寄遙持造物權斗牛添氣色井絡
靜氛煙獻可通三畧分甘出萬錢漢南趨節制趙北賜
山川玉帳觀渝舞虹旌獵楚田步嫌雙緩重夢入九城
偏秋與離情動詩從樂府傳聆音還竊抃不覺撫么絃
始至雲安寄兵部韓侍郎中書白舍人二公近
曾遠守故有屬焉

天外巴子國山頭白帝城波清蜀材盡雲散楚臺傾迅
瀨下哮吼兩岸勢爭衡陰風神鬼過暴雨蛟龍生硤斷

見孤邑江流照飛甍鬢軍擊嚴鼓笳馬引雙旌望闕遙
拜舞分庭備將迎銅符一以合文墨紛來縈暮色四山
起愁猿數處聲重關郡吏散靜室寒燈明故人青霞意
飛舞焦蓬瀛昔曾在池籞應知魚鳥情

送侯侍御黔中充判官

劉長卿

不識黔中路今看遣使臣猿隨萬里客鳥似五溪人地
遠官無法山深俗易淳須令荒徼外亦解懼埋輪

黔府王中丞楚

孟郊

舊說天下山半在黔中清又聞天下泉半落黔中鳴山
水千萬遠中有君子行儒風一以扇汗俗心皆平

送蜀客

張籍

蜀客南行祭碧鷄木綿花發錦江西山橋日落行人少
時見猩猩樹上啼

送客遊蜀

前人

行盡青山到益州錦城樓下二江流杜家曾向此中住
為到浣花谿水頭

貽蜀五首

并序

元稹

元和九年蜀從事韋臧文告別蜀多朋舊稹
性懶為寒溫書因賦代懷五章而贈行亦在
其數

病馬詩寄上李尚書

萬里長鳴望蜀門病身猶帶舊瘡痕遙看雲路心空在
久服鹽車力漸煩尚有高懸雙鏡眼何由並駕兩朱轡
唯應夜識深山道忽遇君侯一報恩

李中丞表臣

韋門向是舊親賓，獨恨潘床簟有塵。
十里花谿錦城麗，五年沙尾白頭新。
倅戎何事勞專席，老掾甘心逐衆人。
却待文星天上去，少分光彩照沉淪。

盧評事

為我殷勤盧子蒙，近來無復昔時同。
懶成積疹推難動，禪盡狂心鍊到空。
老愛晝眠虛夜月，病妨盃酒負春風。
唯公兩弟間因訪，徃徃潛然一望公。

張校書元夫

未面西川張校書畫來稠疊頗相于我聞聲價金應敵
衆道風姿玉不如遠處從人須謹慎少年為事要舒徐
勸君便是酬君愛莫比尋常贈鯉魚

韋兵曹臧文

處處侯門可曳裾人人爭事蜀尚書摩天氣直山曾拔
徹底心清水共虛鵬翼已翻君好去烏頭未變我何如
殷勤為話深相感不學馮諼待食魚

贈吳士則

前人

憶昔分襟童子郎，白頭拋擲又他鄉。
三千里外巴南恨，二十年前城裏狂。
甯氏舅甥俱寂寞，荀家兄弟半淪亡。
淚因生別兼行舊，回首江山欲萬行。

贈薛濤

前人

詩篇調態人皆有，細膩風光我獨知。
月夜詠花憐暗澹，雨朝題柳為歌垂。
長教碧玉藏深處，總向紅牋寫自隨。
老大不能收拾得，與君開似教男兒。

寄薛濤

前人

錦江滑膩峨眉秀，生得文君與薛濤。
言語巧偷鸚鵡舌，文章分得鳳凰毛。
紛紛辭客多停筆，箇箇君侯欲夢刀。
別後相思隔煙水，菖蒲花發五雲高。

送武士曹歸蜀

白居易

花落烏嚶嚶，南歸稱野情。
月宜秦嶺宿，春好蜀江行。
鄉路通雲棧，郊扉近錦城。
烏臺陟崗送，人羨別時榮。

送蕭處士遊黔南

前人

能文好飲老蕭郎
身似浮雲鬢似霜
生計拋來詩是業
家園忘却酒為鄉
江從巴峽初成字
猿過巫陽始斷腸
不醉黔中爭去得
磨圍山月正蒼蒼

自京將赴黔南

竇鞏

風雨荊州二月天
問人初雇峽中船
西南一望雲如水
猶道黔南有四千

送友人遊蜀

賈島

萬岑深積翠
路向北中難
欲暮多羈思
因高莫遠看
卓

家人寂寞揚子業凋殘唯有岷江水悠悠帶月寒

送朱休歸劔南

前人

劔南歸受賀太學賦聲雄
小路長江岸朝陽十月中
芽新抽雪茗枝重集猿楓
卓氏琴臺廢深蕪想逕通

送李餘及第歸蜀

前人

知音仲久屈覲省去光輝
津濟逢清夜途程盡翠微
雲當綿竹疊鳥離錦江飛
肯寄書來否原居出甚稀

送雍陶及第歸成都寧覲

前人

不唯詩著籍兼又賦知名議論于題稱春秋對問精半
應陰隲與全賴有司平歸去峯巒衆別來松桂生漲江
流水凸當道白雲坑勿以攻文捷而將學劔輕製衣新
濯錦開醞舊燒罌同日升科士誰何膝下榮

送李評事使蜀

王建

勸酒不依巡明朝萬里人轉江雲棧細近驛板橋新石
冷啼猿影松昏戲鹿塵少年為客好况是益州春

寄蜀中薛濤校書

前人

萬里橋邊女校書
枇杷花裏閉門居
掃眉才子知多少
管領春風總不如

送從舅成都丞廣南歸蜀

李端

巴字天邊水
秦人去是歸
棧長山雨響
谿亂火田稀
俗富行應樂
官雄祿豈微
魏舒終有派
還濕甯家衣

送何兆下第還蜀

前人

重河不可涉
孤客莫晨裝
古木沙城小
殘霞棧道長
梟猿楓子落
過雨荔枝香
勸爾成都住
文翁有學堂

西蜀送許中庸歸秦赴舉

陳羽

春色華陽國秦人此別離
驛樓橫水影鄉路入花枝
日暖鶯飛好山晴馬去遲
劒門當石隘棧閣入雲危
獨鶴心千里貧交酒一卮
桂條攀偃蹇蘭葉藉參差
旅夢驚蝴蝶殘芳怨子規
碧霄今夜月惆悵上峨眉

梓州與溫商夜別

前人

鳳凰城裏花時別玄武江邊月下逢
客舍莫辭先買酒相門曾忝後登龍
迎風騷屑千家竹隔水悠揚五夜鐘

明日又行西蜀路不堪天際遠山重

送李餘及第歸蜀

前人

蜀山高峇堯蜀客無平才日飲錦江水文章盈其懷十
年作貢賓九年多遭迴春來登高科升天得梯階手持
冬集書還家獻庭闈人生此為榮得如君者稀李白蜀
道難羞為無成歸子今稱意行所歷安覺危與子久相
從今朝忽乘離風飄海中船會合難自期長安米價高
伊我常渴飢臨岐送君別無聲但涕洟神交外不親利

交內相違勉子慎其道急若食與衣苦熱道路赤行人
念前馳一杯不可輕遠別方自茲

送雍陶遊蜀

前人

春色三千里愁人意未開木梢穿棧出雨勢隔江來荒
館因花宿深山羨客回相如何物在應只有琴臺

送林立歸蜀

前人

迢遞三千里西南是去程杜陵家已盡蜀國客重行雪
照巴江色風吹棧閣聲馬嘶山稍暖人語店初明林夢

心多感孤吟意不平誰為李白後為訪錦官城

送任畹及第歸蜀中覲親

前人

子規啼欲死君聽固無愁闕下聲名出鄉中意氣遊東
川橫劔閣南斗近刀州神聖題前字千人看不休

送崔珣往西川

李商隱

年少因何有旅愁欲為東下更西遊一條雪浪吼巫峽
千里火雲燒益州卜肆至今多寂寞酒壚從古擅風流
浣花賤紙桃花色好好題詩詠玉鉤

寄成都高苗二從事

前人

家近紅蕖曲水濱，全家羅襪起秋塵。
莫將越客千絲網，網得西施別贈人。

寄成都高苗二從事，是時二公從事商隱，座主

府

前人

紅蓮幕下紫梨新，命斷湘南病渴人。
今日問君能寄否，二江風水接天津。

送蜀客

張祜

楚國去岷江西南指天未平生不達意萬里船一發行
行三峽夜十二峯頂月哀猿別曾林忽忽聲斷咽嘉陵
水初漲巖嶺耗積雪不妨高唐雲却藉宋玉說峨眉遠
凝黛脚底谷洞穴錦城晝氤氳錦水春活活成都滯遊
地酒客須醉殺莫戀卓家壚相如已屑屑

送人歸蜀

前人

錦城春棹沂江源三峽經過幾夜猿紅樹兩崖開日色
碧巖千仞漲波痕蕭蕭暮雨荆王夢漠漠春烟蜀帝魂

長恐相如流滯處富家還憶卓王孫

送楊秀才遊蜀

前人

鄂渚逢遊客瞿塘上去船峽深明月夜江淨碧雲天舊俗已歛舞離情蜀國絃不堪渾慘限一涕自潸然

送李長史歸涪州

前人

涪江江上客歲晚却還鄉暮過高唐雨秋經巫峽霜急灘船失次疊嶂樹無行好為題新什知君思不常

閣中送任畹端公還京

畹蜀人

前人

燕臺上榻玉為人月桂曾輸次第春幾日酬恩坐炎瘴
九秋高駕拂星辰漢庭鳳進鵷行喜隋國珠還水府貧
多少嘉謨奏風俗斗牛孤劍在平津

贈蜀將一首

溫庭筠

十年分散劍關秋萬事皆隨錦水流心氣已曾明漢節
功名猶自滯吳鉤鵬邊認箭寒雲重馬上聽笳塞草愁
今日逢君倍惆悵灌嬰韓信盡封侯

奉和門下相公送西川相公兼領相印出鎮全

蜀詩十八韻

杜牧

盛業冠伊唐台階翊戴光無私天雨露有截舜衣裳蜀
輟新衡鏡池留舊鳳凰同心真石友寫恨蔑河梁虎騎
搖風旆貂冠韻水蒼彫弓隨武庫金印逐文房棧壓嘉
陵咽峯橫劔閣長前驅二星去開險五丁忙迴首崢嶸
盡連天草樹芳丹心懸魏闕往事愴甘棠治化輕
諸葛威聲懾夜郎君平教說卦夫子召升堂塞接
西山雪橋維萬里檣奪霞江錦爛撲地酒爐香忝

逐三十客曾依數
仞墻滯頑堪白屋攀附亦同行
肉管伶倫曲簫韶清廟章唱高知和寡
小子斐然狂

送人入蜀

李遠

蜀客本多愁君今是勝遊
碧藏雲外樹紅壓驛邊樓
杜宇呼名語巴江學字流
不知烟雨夜何處夢刀州

賀裴庭裕登第

李搏

銅梁千里曙雲開
仙籍新從紫府來
天上已張新羽翼

世間無復舊塵埃嘉祥果中君平卜賀喜須斟卓氏盃
應笑戎藩刀筆吏至今泥滓曝魚顛

又戲贈裴庭裕

曾隨風水化凡鱗安上門前一字新聞道蜀江風景好
不知何似故園春

答李搏

裴庭裕

何勞問我成都事亦報君知便納降蜀柳籠堤煙蘊蘊
海棠當戶燕雙雙富貴不並窮師子濯錦全勝旱曲江

高捲絳紗揚氏宅

時主文寓揚子
巷故有此句

半垂紅袖薛濤窗

花泛鷓鴣詩千首
靜衆尋梅酒百缸
若說絃歌與風景
主人兼是碧油幢

寄王播侍御史求蜀牋

鮑溶

蜀川牋紙綵雲初
聞說王家最有餘
野客思將池上學
石楠紅葉不堪書

送馬向入蜀

徐凝

遊子去咸京
巴山萬里程
白雲連鳥道
青壁遮猿聲
雨

露經泥坂煙花望錦城
工人共許應記蜀中行

旅次遂州遇裴晤員外謫居因寄 鄭谷

誰解登高問上玄
謫仙何事謫詩仙
雲遮列宿離華省
樹蔭澄江入野船
黃鳥晚啼愁瘴雨
青梅早落帶蠻煙
不知幾首南行曲
留與巴兒萬古傳

送夏侯審遊蜀

耿漳

暮峰和玉壘
回望不通秦
更問蜀城路
但逢巴語人
石林鶯轉晚
板屋月明春
若訪嚴夫子
無嫌卜肆貧

送李餘及第歸蜀

前人

從得高科名轉盛亦言歸去滿城知發時誰不開筵送
到處人爭與馬騎劍路紅蕉明棧閣巴村綠樹蔭神祠
鄉中後輩遊門館半是來求近日詩

送璧州劉使君

前人

王府登朝後巴鄉典郡新江分入棧路山見採鞭人舊
業孤城夢生祠幾處身知君素清儉料得却來貧

將歸蜀留獻恩地僕射二首

姚鵠

自持衡鏡採幽沉
此事常聞曠古今
危葉只將終委地
焦桐誰料却為琴
蒿菜詎報生成德
天馬空懷感戀心
明日還家盈眼血
定應迴首即沾襟

江上長思狎釣翁
此心難與昨心同
自承丘嶽深恩重
已分煙霞舊隱空
龍變偶因資巨浪
鵬飛誰肯借高風
應憐死節無門効
冰炭潛憐逐轉蓬

送李潛歸綿州覲省

前人

朱樓對翠微
紅旆出重扉
此地千人望
寥天一鶴歸
雪

封山崦白鳥拂棧梁飛誰比趨庭戀驪珠耀綵衣

寄雍陶先輩

前人

故人杳何處書札寄無由獨宿月中寺相思天畔樓露
凝衰草白螢度遠煙秋悵望難歸枕吟勞生夜愁

龍州韋郎中先夢六亦後因打葉子以詩上

李洞

紅蠟香煙撲畫楹梅花落盡庾樓清光輝圓魄銜山冷
綵鏤方牙著腕輕寶帖牽來師子鎮金盃引出鳳凰傾

微黃喜兆莊周夢六赤重新擲印成

送東宮賈正字之蜀

前人

南朝獻晉史蜀地瞰巴樓長棧懷宮相踈峰露劔州半
空飛雪化一道白雲流若次江邊邑宗詩為遍搜

送西川渠常侍之新築龍山城并錫賚兩川刺

史及部落酋長等

薛逢

聖主憂夷貊屯師剪束欽皇家恩眷祐星使忽登臨用
命期開國違天必釁礎化須均草樹恩不間飛沉東馬

凌蒼壁捫蘿上碧岑瘴川風自熱劔閣氣長陰迅瀨從
天急喬松入地深仰觀唯一徑俯瞰即千尋水作新城
帶山為故壘襟東開洞若聽南闕納蠻心渥澤濡三部

謂三五部落

衣冠化兩林帶文雕白玉符理篆黃金鳥道經

邛夔星纏過背參迴軒如

一作知

瘠獎休作苦辛吟

送西川杜司空起鎮

前人

黑眉玄髮尚依然紫綬金章五十年三入鳳池操國柄
八分龍節付兵權東周城闕中天外西蜀樓臺落日邊

莫遣洪鑪曠真宰九流人物待陶甄

送人遊蜀

馬戴

別離楊柳陌迢遞蜀門行君聽清猿後應多白髮生
虹霓侵棧道風雨雜江聲過盡愁人處煙花是錦城

送友人遊蜀

前人

劍閣緣空去西過第幾州丹霄行客語明月杜鵑愁
露帶山花落雲隨野水流相如曾醉地莫戀少年遊

蜀中上王尚書

章孝標

梓桐花幕碧雲浮天許文星寄上頭武畧劔峯環相府
詩情錦浪浴仙州丁香風裏飛牋草邛竹煙中動酒鉤
自古名高閒不得肯容王粲賦登樓

送友人歸邛州

唐求

鶴鳴山下去滿篋荷瑤琨放馬荒田草看碑古寺門漸
寒沙上雨欲暝水邊村莫忘分襟處梅花撲酒罇

邛州水亭夜讌送顧非熊之官

前人

寂寞邛城夜寒塘對庾樓蜀闌蟬已噪秦樹葉應秋道

路連天遠笙歌到晚愁不堪分袂後殘月正如鉤

贈弟洎

韓浦

十樣蠻牋出益州寄來新自浣花頭老兄得此全無用
助爾添修五鳳樓

贈段文昌

無名氏

文昌字墨卿有別業在廣都縣之南龍華山
常杜門力學於此俗謂之段公讀書堂長慶
初朝議文昌少在西蜀諳詳利病詔授劔南

節度使有邑人贈詩曰

昔日騎驢學忍飢
今朝忽著錦衣歸
等閒畫虎驅紅旆
可畏登龍入紫微
富貴不由翁祖致
文章生得羽毛飛
廣都再去應惆悵
猶有江邊舊釣磯

送李少府之臨邛

釋無可

邛南方作尉調補
一何半發論唯公
幹承家乃帝枝
山長風裊棧江陰
石和澌舊井王孫
宅過尋獨有期

送杜司馬再遊蜀中

前人

為客應非願，愁成欲別時。
還過蜀國去，不惜杜陵期。
劍水啼猿在，關林轉棧遲。
日光低峽口，雨勢出峨眉。
川迴逢殘角，雲開識遠夷。
勿令雙鬢髮，併向錦城衰。

上韋相公

薛濤

聞道邊城苦，如今到始知。
好將門下曲，唱與隴頭兒。

薛濤本長安良家女，父鄭因官寓蜀而卒。濤以能詩聞外，韋臯鎮蜀，召令侍酒，議以校書郎奏請之。護軍曰：不可。乃止。濤出入幕府，自

臯及李德裕凡歷事十一鎮以詩與濤唱和
元稹白居易牛僧孺令狐楚裴度嚴綬張籍
杜牧劉禹錫吳武陵張祜餘皆名士凡二十
一人濤詩罕傳故附見云


上蜀相周庠

偽蜀黃崇嘏

五代王蜀時有崇嘏者本邛女子黃氏蜀相
周庠初在臨邛嘏以詩上謁庠稱之薦攝府
縣吏事明敏胥吏畏服逾一載欲妻以女嘏

力辭之庠大驚召問具述本末乃黃使君之
女未從人惟老妪同居此事尤怪元人傳奇
女狀元春桃記即其人也

一辭拾翠碧江涯貧守蓬茅但賦詩自服藍衫居郡掾
永拋鸞鏡畫蛾眉立身卓爾青松操挺志堅然白璧姿
幕府若容為坦腹願天速變作男兒



全蜀藝文志卷二十

欽定四庫全書

集部

全蜀藝文志卷二十三

一至三

詳校官內閣中書_臣李采

侍讀_臣孫球覆勘

總校官進士_臣繆琪

校對官中書_臣李荃

謄錄監生_臣潘坦

欽定四庫全書

全蜀藝文志卷二十一

明 周復俊 編

詩

贈送下

韓太丞同守成都三首

宋范鎮

盛府佳招貴嚴宸雅寄深輿題仲舉坐闕掛子牟心漠
竹分新契潘花過舊陰當年百里驥方此試駁駁

近境連桑陌先遊盛竹林

大阮郎中
嘗任西蜀

併將懷舊意持作

惠時心添思春生筆清機月滿襟成風錦江曲迴上玉
山岑

春色草將深春寒柳未陰青天指行棧淥水蕩離襟後
乘何為託前旌喻此心南枝倦飛翼憑為寄歸音

送鈐轄館使王公

程戡

歸騎翩翩去路賒鬱蔥佳氣望天涯艱危劍閣三千里
惠愛刀州十萬家龍尾道邊瞻日彩鹿頭關外別春華
金明扈從宸遊處休憶連年泛浣花

程密學知益州

宋祁

墀塗畫對別堯窠
亂縵芝泥襲綬簷
三蜀舊臺呼輻寵
十連新府夢刀靈
雲梯霽日明鈎棧
雨閣蒼苔蝕劍銘
只恐廉襦歌未厭
熒煌歸應上台星

蜀道篇送別府君吳龍圖

郭祥正

長吟李白蜀道難
蜀道之難難于上青天
長蛇拜猛虎
殺人吮血毒氣何腥羶
錦城雖樂不可到
側身西望泣涕空
連連其辭辛酸語
勢險有如曲折頓挫
萬丈之洪

泉世人不識寶玉璞每欲酬價齊刀鉛求之往古疑未
有惜哉不經孔子之手加鏡鑄公今易節帥蜀國為公
重吟蜀道篇旌旗翻空度劍閣甲花照雪參林顛雲霞
影動谷聲應畫角慢引斜陽懸竹馬爭迎舊令尹指公
長髯皓素非往年蜀道何坦然和氣拂拂回星躔長蛇
深潛猛虎伏但愛雄飛呼雌響亮調朱絃時乎樂哉公
之往也九重深拱堯舜聖廟堂論道夔龍賢撫綏斯民
賴良守平平政化公能宣東兵興學有源本何必早夜

開華筵嘗聞家家賣釵釧只待看舞青春前此風不革
久愈薄稔歲往往成凶年噫呼嘻今我無匹馬安得從
公遊盡書政績來中州獻之明堂付太史陛下請捐西
顧憂

贈廣都寓舍賢婦二喻詩

賴起

嘗聞趙清獻卹孤慰亡友至今西蜀人談美不容口二
喻出儒家清貧一無有零丁依老姑破屋僧堂後相對
誦詩書未嘗窺戶牖圭析玉彌方山寒松更茂縣宰初

聞名咨嗟為之久從容語其配夫人曾見否長者二十
三次亦十八九青裾長蔽膝荆簪短在首我欲効清獻
言不為人取近於吾邑中選壻得豪右夫人相宰意魚
蔬薦罇酒屈致二喻來呼名老與壽

長曰安壽
次曰安老

女子當

有行詩稱遠父母饑寒日月長蓬革風雨漏大喻前致
詞洒淚濕衣袖荷德固已深緘情亦須剖上言親未葬
心欲土自負下迷妹未笄嫫嫫無傅姆還家復獻書自
叙貧且陋鉛華世所悅銅臭非吾偶肯效閭閻碌碌

逐雞狗世無梁伯鸞應嫌孟光醜孔明若再生承女甘
箕帚陳義一何高夫人驚拊手至今書藁在光輝射星
斗董子慕高風喜曰真吾婦吾親雙白髮吾第室未授
媿言姊妹賢可以相先後五兩幣雖輕意則千金厚輜
軒雙造門觀者競奔走女子尚能爾男兒宜自守重聘
或不來豈欲終畎畝畜德尚未充高位亦虛受寄語事
君者慎勿輕去就

上席帥

喻汝礪

先公御史如御兵迎刃而解如庖丁掀髯一笑黠吏走
蜀中草木知威名伯兄渠渠天下士嵩高少室之英靈
妙齡提書噉閭闔竝議可以諧韶醜昨年兩作益州牧
西南惡少不敢行後來繼者有季弟潭潭大度涵滄溟
指麾萬事不任意決皆雨電風煙雲南望峨眉西玉壘
意氣直欲凌滄溟幅巾筇杖過何許閒邀仲元訪君平
小蓬董寶夜深語往往笑倒長庚星拔劍起舞者誰子
杜陵老翁醉不醒生平入眼無俗物胡為見我眼自青

武侯廟前有古栢風吟雨敲蛟龍聲
我來正欲剗爾腹
斲作巨屋丹其楹斲作巨屋丹其楹
繪此落落三名卿
尚使千載知儀刑
喻子作詩如鼎銘

送孫正忠臣移成都小漕

楊天惠

升平芝菌效神奇
况乃賢豪用世資
人物熙寧中興日
風流荆國適同時
起家便作三公客
乘傳何為九折馳
少府但分新賜節
石渠猶借舊官儀
素心久辦經綸計
妙意前知遇合期
聊與西南成勝事
暫將清獻續良規

橋橫萬里重開府水接雙流共去思
怙悵參卿無限意
道傍索筆強題詩

送吏部尚書張公帥成都詩

并序

朱翌

已未九月有旨謀成都帥三省具所除人以聞皆不
許止命選在廷從臣以往衆未及對上曰得一人矣
吏部尚書張燾明練端方可當一面付以便宜勿從
中覆且命退與公議公見宰相願行不辭乃以十月
六日制下吳蜀相望二萬里水遡瞿塘灩澦陸走夔

峽極天下之險有為公言者公曰上用我何遠之辭
何險之畏退理舟楫行日甚近於是士大夫不問識
與不識皆謂公宜在朝廷不必往成都成都可他擇
才朝廷不可無公也御史中丞具以輿言白上夫內
重久矣一命以上皆以不得仕朝廷為恨公卿出鎮
方面類若不得已者其進退用舍士大夫亦不甚留
意今公欣然承命無一毫難色而又得士論如此此
行有光矣蜀有兩張太守太宗時乖崖公仁宗時文

定公兩公名重一時為人君所倚信在蜀最有惠愛
蜀人至今祠之今公姓同德又同名重一時為天子
所倚又同惠愛所加能使人久而不忘懸知其必同
也既行祖道西湖上朝士咸為賦詩翌從公遊將三
十年蒙公知最深故為詩千字叙公出守大槩且使
蜀人知公不減前兩張太守也紹興九年十月二十
五日序

一代亨衢上明公逸步超河東書具作圯下老相邀海

濶雲垂翼天清斗壓杓三人前鼎甲千佛仰丰標弟子
師尊董諸儒稱述蕭西崑收俊又東壁絕塵囂別乘將
離汴輕舟徑指茗湖山縱清美家國正飄搖慟哭天傾
柱歸情戶見蛸乞祠投里閑招隱向山楸竝海屯千衛
披榛拱百僚回鑿須故國負內且今朝光列哀烏位星
馳封馬軺賢裾來接武陰沴自潛消香案依丹陛螭坳
立紫霄飛鴻九天去歸鶴一聲嘹主上思圖舊王人促
見招起居還左史議論鄙南朝大呂聲揚遠玄圭質匪

雕掖垣裁詔密禁路賜纓影滅澆圖興夏巡方首從姚
自南瞻尺木直北望玄枵玉海千尋浪江南五色鷄壯
哉還制手肅爾若秋鵬去國還追信利章豈易克光華
司馬甲整頓路車條國事煩參決廷詢得具條乘時笑
乾沒許沒敢輕佻河洛腥羶裏陵原草木焦青春深仗
節夕雨久乘橈取道先轅楚揚旌轉渡瀟一杯藏萬世
九廟正三侶遂使儀知漢將令樂奏韶路迷彪過迹澗
涸夜生潮去日春仍淺歸期暑正熇君王喜不寐天下

首方翹疏奏中無隱臣生若不聊戴天那忍共得地豈
宜驕內治今當亟高名不敢要銓衡真有託啓事復何
遼道直咸推汲謀深肯計蕭定非撓扇羽寧要插蟬貂
褒貶書方舉姦諛骨合銷懷開真坦坦燕處自天天當
守西南顧常懷參井迢徧詢醫國効立遣愈民瘡文武
資魚稟詩書帥欲駢衆皆可卻穀一以委張昭除目凌
晨下行裝即日揹被携猶刺刺涉遠乃脩脩帆影三江
水車聲萬里橋丈人峯犇岬神女峽岩窈石室畫閣淡

草堂人寂寥山園玉壘峻水減石犀遙石表筍雙立銅
青柏未凋錦江喧士女樂土混農樵劫墮乾坤壞流橫
海岳漂惟茲井絡外依舊角弓弔自昔三刀夢多傳五
袴謠威餘嚴僕射功比霍嫖姚文定裳尤美非崖福可
徼事今難悉數公亦豈其苗秦地新通棧瞿塘穩泛橈
虎貌環外聞耒耜得深穠正可供壺奕隨宜列鼓簫蒲
鞭束高閣竹馬戲垂髫好閱相如賦終閑李廣刁奎文
天象轉延閣士林標此去廷無愈行聞衆選陶付之樞

極運咸仰泰階霄賤子無三徑平生有一瓢老將書蠹
稿時作草蟲嘍大笑王三刑不求銀十腰古今同閔宙
南北縱吹藻已類蜂粘網真成鹿覆蕉屢經九折坂幾
至獨身跳何處地堪避知誰戰敢挑月明三匝鵲巢卜
一枝鷓釣瀨長烹鯉窮山飽聽鴉臨書池盡黑就局博
媯么臂有七賢把丹七九轉燒唯堪貫薜荔未肯殺崇
賢賣藥難爭價為農或可劬稍能差野葛初未試江珧
已罷尋蛭駟欣聞退獨獠誰憐心為米敢有意遷喬過

我深披翟追涼薄曳綃狐裘憐晏子縞帶與公僑挽引
煩推轂陶甄為置窑清時容潦倒冊府著芻蕘憶昨西
湖上隨公羽蓋飄青山迎晉履綠水泛吳船上相尊仍
美將軍筆最豪道爭棋屢覆壺纒箭呈集茶乳晴尤發
香雲靜亦飄沿籬尋嫩菊近岸俯游鱖西望天連水
羣簪玉及瑤政親連榻坐修見賜戈瑁良月霜楓冷佳
晴雪霰消留公已無策鼎食望加調

成都西南大都會承平分閭之重與河東北等元祐

初文潞公平章軍國重事三省議其因而成都除帥
預焉艱難以來獨此方兵旤不作封陞自固東捍秦
南蔽吳楚選帥之慎十倍疇昔宜也紹興己未詔以
吏部尚書鄱陽張公出鎮朝士之文者咸賦詩送行
中書舍人朱公時在冊府既以長篇述公出處大致
典麗閎遠且為序數百言載上親擢之本旨尤謹且
備讀者曉然見廟堂西顧為遠外之謀帥其密勿從
容蓋如此居無何朱公貽書於公曰曷刻之以慰邦

人異日甘棠之思乎於是蜀士夫咸傳而誦之且為
伐石志之而屬公之客僊并譚篆跋之

送錢駕部知邛州

梅堯臣

細雨梅初熟輕寒麥已秋路危趨劍道夢穩過刀州秦
粟非吳食巴粳類越疇當壚無復舊試似長卿求

次韻許沖元送成都高士敦鈴轄 蘇軾

移中老監本虛名懶作燕山萬里行坐看飛鴻迎使節
歸來駿馬換傾城高才本不緣勲閥餘力還思治蜀兵

西望雪山烽火盡不妨樽酒寄平生

寄黎眉州

前人

膠西高處望西川應在孤雲落照邊
瓦屋寒堆春後雪峨眉翠掃雨餘天
治經方笑春秋學好士今無六一賢

君以春秋受知於歐陽文忠公公自號六一居士

且待淵明賦歸去共將詩酒

趙流年

嘉州寄左綿王虞部

石介

江山如畫望無窮况蜀昇平歲屢豐
萬樹芙蓉秋色裏

千家方響月明中斷霞半渚燕支木零露偏留笙竹叢
只欠流杯曲水宴風流未與左綿同

左綿新
創流杯

燕脂板浣牋寄合州徐文職方

前人

合州太守鬢將絲聞說歡情尚不衰板與歌娘拍新調
牋供狎客寫芳辭木成文理差差動花映溪光瑟瑟奇

名得只從嘉郡樹

燕脂木
嘉州出

樣傳仍自薛濤時

有薛
濤牋

奇章

磊磊馳聲價江令翩翩落酒卮幾首詩成卷魚子

有魚
子牋

誰人唱罷泣燕脂紅牙管好同牀置紫竹笙宜一處施

願助風流向罇席杏花况是未離披

司空圖有杏花辭
文頃在睢陽命名

之
伶唱

楊山人歸綿竹

文同

一別江梅一度花相逢重為講胡麻火鈴未降真君宅
金劔曾盟大帝家道氣滿簪凝綠髮神光飛鼎護黃芽
青驪不肯留歸馭又駕蒼虬看曉霞

寄彰明任光祿遵聖

前人

軒軒任公子本是釣鼇人手把虹蜺竿一舉百萬鈞得

鼇謂無用坐卷千丈綸却自絳蚯蚓淺瀨收纖鱗悠悠
世上兒不識此有神但將俗士眼不視窮水濱

金牛相別呈誠之

前人

出門相與望橫參露浥幘頭吟逼簪驛在金堆隨澗遠
路經銅冶入煙深過橋住馬應迴首上嶺聞猿想動心
勝事莫過飲酒樂此時銷得各沉吟

臨別成都帳飲萬里橋贈譚德稱 陸游

成都城南萬里橋蘆根蘋末風蕭蕭映花碾草紅車小

駐坡驀澗青驄騎入門翠徑絕窈窕臨水飛觀何岩堯
判無功名著不朽惟仗詩酒寬無聊清霜早已足雉兔
微冷便欲思狐貂喜看縷鱠映盤箸恨欠斫蟹加橙椒
坐中譚侯天下士龍馬毛骨矜超遙烏犀白紵請仙樣
但可邂逅不可招今年一戰馘餘子風送六翮凌青霄
美人再拜乞利市醉墨飛落生蛟綃我哀於世百無用
十年不赴含元朝華纓肯傍蕭颯鬢寶帶那束龍鍾腰
祝君好去事明主日望分喜來漁樵遊談引類亦細事

寄酒且解相如消

涪江泛舟送韋班歸京

前人

追餞同舟日傷春一水間飄零為客久衰老羨君還花
遠重重樹雲輕處處山天涯故人別更益鬢毛斑

送朱元晦

張栻

君侯起南服豪氣蓋九州頃登文石陞忠言動宸旒坐
令聲利場縮頭仍包羞却來卧衡門無愧自日休盡收
湖海氣仰希洙泗游不遠關山阻為我再月留遺經得

紉繹心事兩綢繆超然會太極眼底無全牛惟茲斷金
友出處寧殊謀南山對床雨匪為林壑幽白雲正在望
歸袂風颼颼朝來出別語已抱離索憂妙質貴強矯精
微更窮搜毫釐有不察體用豈周流驅車萬里道中塗
可停輟勉哉共無斁邈矣追前修

酬贈王益舜良殿丞

梅摯

侗儻淵宏未易才三年粉社幸遊陪八吟麗賦憑高得
三咏雕鎬選勝開玉苑早容收樸檄蘭池嘗許試魁隤

海棠風裏甘棠政只恐星趨節召回

風度幽閒器宇高暫分明寄握牛刀賈生學瞻思儀漢
李白才多合繼騷步武即看我豸角對揚幾見擲麟臺
琴齋頌罷吟魂遠時夢釣天醉碧桃

到夔門呈王待制

李石

手挈東風上水關鳳書迎日看新班五湖家世烏衣巷
三峽樓臺赤甲山畫戟門開春晝永卧龍帳穩海波閒
安危大計須公等天定應知即賜環

送虞伯生使蜀

元吳成季

送別因思舊所經
秦川花柳短長亭
三峯高附仙人掌
萬里先占使者星
錦水東流江月白
潼關西去蜀山青
當年不盡登臨意
待爾重鑄劍閣銘

代祀西嶽答袁伯長王繼學馬伯甫三學士

虞集

棧道年年葺舊推
已將平易履崔嵬
經行闕輔圖中見
夢想鄉山馬上來
諸葛精神明似日
相如情思冷於灰

重思親舍猶南國願托江波去却迴

家兄孟脩父翰賦南還

前人

大兄五月來作客八年不見頭總白五人兄弟四人在
每憶中郎淚沾臆我家蜀西忠孝門無田無宅惟書存
兄雖筦庫實父蔭弟竊餘澤承君恩文章不如仲氏好
叔氏最少今亦老五郎十歲未知學嗟我何為長遠道
諸兒讀書俱不多又不力耕知奈何憂來每得二三友
看花把酒臨風哦蜀山嵯峨歸未得盤盤先壠臨川側

碧梧翠竹手所移應與青松各千尺南風吹雪河始冰
兄歸烏帽何冢冢明年乞身向天子共讀父書歌太平

雲山圖為劉伯溫監憲賦

前人

我家成都雪山東公家張掖雪山北吳船誰載鄭廣文
起寫崑崙半天白張掖雪融草木長禾生隴畝多牛羊
烽火連臺擬樓觀江海微茫秋練光看書東觀夜如水
太乙然藜照圖史從遊冠帶文武備斐然四郡良家子
君不見黃河奔流百谷盈神禹疏鑿中州平極天鳥道

雲氣盡惟北有斗西長庚

贈楊旭負外歸蜀省墓

明蹇義

紫誥初頒煥玉音扁舟重過大江潯
峽中綵纜牽春色天外蒲帆帶夕陰
折柳長亭生別思焚黃先壟遂初心
故園父老如相問為說叨承雨露深

留別京師諸友

牟倫

行行策馬出皇畿古木霜寒獨鳥飛
天上故人青眼在蜀中諸弟素書稀
秋風故隴雲連棧夜月胡笳露滿衣

白髮蕭蕭身萬里不知別後竟何依

寄楊留耕先生

李東陽

峨眉山頭雲氣濃錦官城上花枝紅地靈人傑應時出
往歲吾識留耕翁一從獻策明光殿三世科名眼中見
鸚鵡洲前驄馬歸鳳凰池裏祥麟現一品封高七袞稀
烏紗玉帶曳緋衣祇疑天上神仙是若比人間富貴非
誰信今人不如古片玉一枝安足數蘇氏奇峯僅有二
竇家芳樹纔稱五太史文章祕閣勲少年狀元才出羣

眼者是父復是子此語吾傳揚子雲白頭憂國心尤切
剛道承平好時節已見西川洗甲兵更依北斗瞻京闕
玄霜彩筆泥金箋為君興寄西南天願山不童花不老
一歲一賦長生篇

彭總制濟物西平十詠

侯啓忠

長鯨翻江江石裂城郭灰飛野流血妖祲迷茫日色
昏鬼哭陰沉水聲咽九重震怒天戈揮綸音急下黃
金扇元臣身擔社稷寄武夫力奮風霆威吾皇推轂

臨軒送錫馬朱旄恩寵重朝野喧騰里市儔岷峨擬
獻平西頌

羽林寒芒十丈高光留虎帳明旌旄嚴凝霜凜綠沉甲
瞳矐日射團花袍柳營白羽謾揮指介冑橐鞬盡朱紫
三穴無依狡兔悲重泉易竭狂鯢死桓桓武騎傑且雄
馳驅旋轉如追風幾年西土暗烏兔老臣會有揩磨地
黑風吹城地搖軸封豕長蛇走林麓絲鞭投江岷水渾
鐵騎揚塵劒關覆彤弓白羽刀未收伏屍十里橫林丘

巨靈開山魍魎哭大力撼鬼天吳愁戰雨乖龍恣騰翥
敗北妖蠻亂飛絮鳴金息鼓日薄西時見驚烏漫來去
廟堂元老一代雄甲兵千萬羅曾中豸冠霜斧震山岳
錦袍驄馬馳雷風提兵曉發鹽亭道虎隊奔羊迹如掃
喋血平分溪水紅回輪西蹴岷山倒一出全收百戰功
胡床坐嘯氛埃空村氓共記指麾處擬嚴廟貌留遺蹤
青陵岡頭矢如破駭鹿驚奔鋒劔挫喧闐鼓角雷聲轟
歛忽貔貅電光過斬蛟刺虎壯士威跳崖怒挽狂酋衣

血光亂送草梢赤妖鬼暗逐刀頭飛蚩尤旗沉怪魃死
露布星奔報天子從此寬紆西顧憂不用三巴散黃紙
繡旗畫鼓嚴中軍陸離長鉞冠如雲飛熊怒揉怪獸窟
俊鶻橫擊驚鴉羣投戈乞降良獨苦但願今生返鄉土
草木荒莽迷不知聖世恩波喜重覩白旄油幢時一麾
軍威直欲摧峨眉凱歌取次獻金闕平桑先勒燕然碑
幾年豺虎走江國荆棘蓬蒿塞川澤黔黎遭劫血肉枯
文武憂時鬢毛白元臣受命殫赤心妖氛迅掃回甘霖

閭閻闔郡轉生意桑麻萬頃分春陰
太清無雲日亭午
擊壤遺民方快覩金錢不惜買醉歸
戲看兒童競簫鼓
星馳驛騎紅塵飛內廷報許班師歸
虎賁腰懸白羽箭
龍媒首絡黃金鞵隊伍連營自三五
隨處市廛如安堵
青田綠野隨耰鋤朱箔紅樓放歌舞
經年用兵人不知
蜀中父老攀旌旗生祠處處有遺像
千秋萬載留遐思
天門虎豹嚴九闕臺端宮保平西還
九卿竦耳聽章奏
百僚回首驚朝班禁旅傾開虎牙寂
直氣凌空裂金石

三巴不獨病草書四境行看塞烽息聖君注目龍顏開
岳靈為國鍾奇才金甌不用覆名姓文昌已見明三台
聖主推恩重延賞奏凱論功示優獎風雲際遇千載奇
山斗尊崇萬年仰我公原有戡亂功一時朝野推豪雄
齊梁摧墮豺虎絕秦川洗盪烟霾空德望喧騰帝心喜
吉甫周宣正如此曩鼎全收絕代勲翰苑才臣漫青史

寄寄庵子

李夢陽

寄庵子嘗曰人生寄爾然利孰與義安慙孰

與美久臭孰與芳永庫部駱子以其所言告
於李子李子曰卓哉張子持此於天下誘之
能移撼之能動乎能招之來麾之去乎嗚呼
張子者足以荷天下之重矣於是作寄寄庵

子詩

嚶其鳴矣彼何求天下願識韓荆州心須義投神使往
萬古不廢江河流張侯崛起西南裔覽輝振翮風雲際
鈞陳蒼涼閭闔閉排闥直謁蓬萊帝豸冠莪莪不動紳

挺身遂作蘭臺賓竊憤辛裾謂漁忍誓與朱檻爭嶙峋
已看腰裏狹道路復訝鷓鴣卑風塵霜飛維揚海月落
陽行沮洳汾花春還朝袞衣煥日月立仗正色指星辰
行步既工馬從瘦諫草每就鷄將晨餘力猶馳翰墨圃

先秦兩漢文心苦壯志真趨劍閣銘

張孟陽

幽懷緬擬歸

田賦

張平子

握珠響玉豈不足覲顏徒餐竟何補及時願

作朝陽鳳不然退與漁樵伍予也綸竿孟諸客心本無
他衆莫白李白世人欲殺之蘇軾頻年遭貶斥雷劒雖

埋光在天卞玉未剖終為石垂老重逢四海清不才幸
免諸公擲思君欲追稽往昔立言輒踐回由迹

顏淵
季路

有

田負郭未餓死且自射獵芒碭澤

呂廣文四川衡聘

前人

大雅文衡重名師禮聘遙閣雲寒暑旃棧月引星軺古
帝蠶叢國才人駟馬橋好將揚馬革收取貢清朝

送五清先生赴浙江提學歌

何景明

天台文宿衝紫霄先生捧勅馳星軺越山桃李花萬樹

春色早渡錢塘潮憶昨先生遭斥逐漂泊荆湘望巴蜀
九江鴻鴈春冥冥七澤龍蛇畫盤曲洞庭天高急霜霰
冰河雪岫開燕甸北來驄馬一日聞傾都走識先生面
十年卜築楚村墟萬里今瞻漢宮殿當朝門生貴不少
先皇學士人猶見金門誰留供奉班銀魚舊錫恩榮宴
長安春迴獨回首翠烟漸入龍池柳薊門禹穴自此探
送餞先生百壺酒丈夫輾軻心不疑賢聖流離古來有
已看身作指南車况復名高懸北斗隋珠和璧世珍重

眼前點毀終難動聖人不久奏雲門海內近亦求梁棟
琴瑟須聆清廟音豫章且待明堂用我聞衡嶽與天參
七十二峯江漠南不然信此可棲息無使天柱石鼓空
巉巖

送楊殿之朝正

徐文華

岳老跼險難憂心日冲冲冰雪多苦寒禔褐常不充良
朋在咫尺早晚寒暄通眷言邁皇邑入覲明光宮聖人
垂衣裳萬國咸來同黜陟分幽明車服旌勲庸滑沒從

茲升赫赫官階崇願子堅晚節固守歲寒踪茲余滯荒
戍徑路同雲封足趼不可行悵望西飛蓬

送田國用鎮撫還蜀

陶驥

燕臺花柳客徜徉蜀國風烟興渺茫玉勒幾年登劍閣
江船五月下瞿塘清樽錦軸高人共玉笛短簫良夜長
年少壯遊輕萬里可容華髮綴清霜

正初承陳玉泉代巡邀飲青羊宮東此奉謝

雷賀

丹室崔嵬傍郭幽塵襟喜向上清遊青羊自古逢玄肆
白鶴何年下寶丘鐘鼓頻開千堞曉松筠長鎖四時秋
仗君繡斧霜威霽萬象春涵錦水流

元日院中登樓自憩

前人

元日登樓俯碧空錦城春色匝簾櫳早梅久上蜂鬚嫩
弱柳初傳鳥語工四始條風占陸海九天瑞日普蠶叢
玉階履正陽開泰北極遥瞻紫氣籠

留別陳玉泉按院

前人

玉泉脈脈含晶光
驪龍噴酒烏臺霜
西征驄馬濯紫韉
踏破劔閣成周行
雲天隨彩映琳琅
三春水合寒瞿塘
予亦仗鉞事西土
挹清飲淑消煩腸
倏罹萋菲言旋輒
相逢忽漫成遠別
青羊對酌酒清冽
乃知天為離情設

初玉泉公出巡子餞之青羊宮未二旬
即聞候勣之命今不獲面覲而別故云錦江花柳暄欲

灑我有所思
附縈結東歸
彭蠡夜月明
照見玉泉長
澄

欽定四庫全書

全蜀藝文志
卷二十一

全蜀藝文志卷二十一

欽定四庫全書

全蜀藝文志卷二十二

明 周復俊 編

詩

雜賦

白頭吟

古辭

皚如山上雪皎如雲間月聞君有兩意故來相決絕

解一

平生共城中何嘗斗酒會今日斗酒會明旦溝水頭蹀

躩御溝上溝水東西流

解二

郭東亦有樵郭西亦有樵兩

兩相推與無親為誰驕

三解

淒淒重淒淒嫁娶亦不啼願

得一心人白頭不相離

四解

竹竿何嫋嫋魚尾何離篔男

兒欲相知何用錢刀為齒如馬噉其川上高士嬉今日

相對樂延年萬歲期

五解

訓宇文少府贈桃竹書筒

唐李白

桃竹書筒綺繡文良工巧妙稱絕羣靈心圓映三江月
彩質疊成五色雲中藏寶訣峨眉去千里提携長憶君

成都為容作

田澄

蜀郡將知遠城南萬里橋衣緣鄉淚濕貌以客愁銷地
富魚為米山芳桂是樵旅遊惟得酒今日過明朝

蜀人為南蠻俘虜四首

雍陶

但見城池還漢將豈知佳麗屬蠻兵錦江南渡聞遙哭
盡是離家別國聲

大渡河邊蠻亦愁漢人將渡盡回頭此中郵寄思鄉淚
南去應無水北流

越雋城南無難地傷心從此便為蠻冤聲一慟悲風起

雲暗青天日下山

雲南路出陷河西草長青蕪瘴色低漸近蠻城誰敢哭
一時收淚羨猿啼

蜀城戰後感事

前人

蜀國英靈地山重水又回文章四子盛道路五丁開詞
客題橋去忠臣叱馭來卧龍同駭浪躍馬比浮埃已與
無妖土那知有禍胎番兵依漢柳蠻旆指江梅戰後悲
逢血燒餘更見灰空留犀厭怪無復酒除災歲積萑弘

怨春深杜宇哀家貧移未得愁上望鄉臺

蜀國經蠻後寄雍陶

馬異

首馬渡瀘水北來如鳥輕幾年期鳳闕一日破龜城此
地有征戰誰家無死生人悲還舊里鳥喜下空營弟姪
意初定友朋心尚驚自從經難後吟苦似猿聲

獨愁

李崇嗣

聞道成都酒無錢亦可求不知將幾許銷得未來愁

郭震蜀人賦東郊詩因走京師言蜀將亂後果

有李順之變

前人

今日出東郊東郊如春色青青原上草莫教征馬食

資州宴行營回將詩

羊士諤

几劍盈庭酒滿卮戍人歸日及瓜時元戎靜鎮無邊事
遣向營中偃畫旗

題鄭處士隱居

唐求

不信最清曠及來愁已空數點石泉雨一溪霜葉風業
在有山處道成無事中酌盡一尊酒病夫顏亦紅

浣溪女

宋陸游

江頭女兒雙髻了常隨阿母供桑麻當戶夜織聲唧啞
地爐豆豉煎土茶長成嫁與東西家柴門相對不上車
青裙竹笥何所差插髻熒熒牽牛花城中妖姝臉如霞
爭嫁官人慕豪華青驪一出天之涯年年傷春抱琵琶

和范舍人永康青城道中作

前人

風馳雨壓無浮埃驂驪千騎東方來勝游公自輩王謝
浮社我亦追宗雷岷山樓上一倚徙如地始闢天初開

廓然眼界三萬里山一蟻埵水一杯世間幻妄幾變滅
政自不滿吾曹哈丈夫本願布衣老叟鑠詎畏蒼顏催
君看神君歲食羊四方處處棄骨高成堆西山老翁食
松麪造物賦予何遼哉

遊華山張超谷

魯文

太華鎖深谷我來真景分有苗皆是藥無石不生雲急
瀑和烟瀉清猿帶雨聞幽棲未忍別峯半月將曛

邛州東園晚興

文同

公林時得岸輕紗門外誰知吏隱家
鬪鳥整羣翻荇葉乳鳥無數隨松花
携琴秀野彈流水設席芳洲詠落霞
向晚雙親共諸子相將來此樂無涯

秀野芳洲二序

國朝自建隆至大中祥符十年垂五十載謝頤

素始奏名甫官太守

陳逸賞

死却王褒五百春資中不見有詞臣
今朝忽遇登龍客喜殺西郊謝逸人

山居

張孝祥

松韻笙竽徑雲容水墨天人行春色裏鶯語落花邊脩
竹一間屋清泉二頃田了無官府事鷄犬暮登仙

代祀西嶽至成都作

元虞集

我到成都纔十日駟馬橋下春水生度江相送荷生意
過家不留非我情鷓鴣輕筏下溪足鸚鵡小牕知客名
賴得郫筒酒易醉夜深衝雨漢州城

大祀

明蹇義

禮嚴大祀肅千官法駕遙臨衆樂攢月轉觚稜分夜景

天迴複道散春寒煌煌炬焰分清野
靄靄爐煙繞玉壇
上帝居歆期賜福慶成明日拜金鑿

早朝應制

前人

龍樓曙色映晴曦冠佩欣欣集鳳池
民物萬方均雨露
車書一統混華夷祥光映闕春雲粲
佳氣浮空曉漏遲
寵沐聖恩深似海微臣何以又雍熙

折楊柳

晏鐸

河橋殘柳半無枝多為行人贈別離
羌虜不知蕭索盡

月明空向笛中吹

拾遺

與蕭紀詩

梁元帝

回首望荆門
驚浪且雷奔
四鳥嗟長別
三聲悲夜猿

答元帝詩

蕭紀

水長三江急
雲生三峽昏
願賞淮南罪
思報阜陵恩

峨眉老人別子歌

宋謝翱

峨眉有老人
奉命過嵩少
天風吹西翼
冉冉朝夕照
濕

塵紛墮天髮白更待報有子為異物不待入關廟慟哭
東南雲相望蒼海嶠青鳥年年來寄書久不到

南充紀侯廟

聞道將軍是邑人扶龍今有幾家村

紀侯故里名扶龍

寧存卯

金死義氣未必丁火灰忠魂周苛一烹後世顯湘潭互

出史筆渾

湘潭紀侯二子名

漢封班史俱兩負負與不負何足

論

全蜀藝文志卷二十二